

Resúmen

Fundashon Pa Konsumidó

aprel-mei-yüni 2026



Introdukshon

Ku plaser Fundashon pa Konsumidó (FPK) ta presentá su resúmen di e di dos kuartal pa e aña 2026.


Den e resúmen aki nos ta mantené tur konsumidó ?di nos delaster akontesimentunan, duna teps balioso i kompartí temanan ku ta di importansia pa e konsumidó.

Esaki nos ta hasié ku e meta pa tur konsumidó keda up-to-date i tambe sigui empoderá konsumidónan pa ta mas kritiko, konsiente i pa hasi eskohonan responsabel.



1

Unidat di bario den kolaborashon ku FPK



Manera semper Fundashon pa Konsumidó ta kla pa informá, eduká i konsientisá tur konsumidó. Esei tabata e kaso atrobe dia 18 aprel último kaminda FPK huntu ku Unidat di Bario, SIGE i un profeshonal den konosementu di transporte a hiba un diálogo pa tur ku tabata presente riba e mainta en kuestion. E tema pa e mainta aki tabata “Kiko hasi konkretamente den tempu di krísis”. Partisipantenan a haña e oportunidat pa forma grupo i

‘brainstorm’ pa huntu trese solushonnan práktiko riba problematikanan ku a presentá basá riba e desaroyonan geopolitiko di kual a influensia diferente kas di famia aki na Kòrsou tambe. E mainta informativo aki a wòrdu será ku un pènel, kaminda partisipantenan a hasi hopi pregunta i trese nan preokupashonnan dilanti. Fundashon pa Konsumidó ta ansioso pa sigui partisipá den e diálogonan aki pa asina sigui yuda forma i empoderá konsumidónan pa ta sabí, konsiente i responsabel den nan bida diario.



2 Anotashon di preis

Fundashon pa Konsumidó ku regularidat ta hasi anotashon di preis di diferente makutu. Esaki nos ta hasi ku e meta pa tur konsumidó ta na altura di e preis di produktonan ku tin riba nos merkado. Den e kuartal tras di lomba, nos a publiká sinku anotashon di preis, esta preis di fruta i berdura den fruteria, na dos okashon nos a publiká anotashon di preis pa karni, belèg, fruta i berdura den supermerkadonan, produktonan di primera nesesidat i materialnan di konstrukshon.



Manera kustumbrá nos a hasi un análisis kaminda a saka tòp 3 di establetimentunan ku mas produkto na mihó preis i tambe kua ta e estableimentu ku mas produkto i material den stòk. Si ainda bo no a wak e listanan di preis aki, bo por subi libramente riba nos website fundashonpakonsumido.cw i konsultá e listanan pa asina bo ta na altura kua estableimentu ta sali abo mas kumbiniente pa hasi bo kompra.

Fundashon pa Konsumidó

Anotashon di preis: Material di konstrukshon

Preis di 2026 vs 2025

Tòp 3 Mihó surtí	
1 Kooyman Group	116 material
2 Building Depot	85 material
3 Gomez Enterprises	55 material

ADRES: Dr. M.L. King Blvd 29-A

TELEFON: 462-6666

FACEBOOK: Fundashon pa Konsumidó



Fundashon pa Konsumidó

Anotashon di preis di Karni, Belèg, Fruta i Bèrdura

Tòp 3:

1 Mangusa Hyper	27 produkto
2 Centrum Mahaai i Centrum Piscadera i Mangusa Rio Canario	25 produkto
3 Bon Bini	15 produkto

+5999 462 6666 | info@fundashonpakonsumido.cw | fundashonpakonsumido.cw | Fundashon pa Konsumidó



3 FPK den media

Tur oportunidat pa duna tep balioso na konsumidónan ku presentá, Fundashon pa Konsumidó ta tuma esaki ku brasa habrí. Den e kuartal tras di lomba na diferente okashon por a skucha nos na radio, mira nos den notisia, Punto Final i tambe Tra'i Mèrdia. E tópiko ku mas a resaltá den e kuartal aki den entrevistanan ku nos a hasi ta; Kon pa biba mas konsiente mirando kon haltu gastu di bida a bira. Algun tep ku nos a duna ta; semper traha un lista di kompra i mantené bo mes na esaki;



traha un presupuesto i tene bo mes na esaki; no kumpra mas ku lokual bo tin mester; tepnan kon pa spar koriente, awa i gasolin i kon pa bo tin un mihó probecho di bo entrada. Pa nos ta importante pa semper guia nos konsumidónan pa hasi kambionan chikí pero ku ta hasi diferensianan grandi den nan bida diario i pòtmòni, pues bo por konta ku nos lo sigui informá bo riba e tópiko aki.



4 Team di krísis

E konflikto den Medio Oriente a perturbá pa nos eksperensiá un sheft drástiko riba preis di, petrolio, gas, awa, koriente i produktonan ku tin riba nos merkado. Mirando e desaroyonan aki, Ministerio di Ekonomia di Kòrsou a disidí na establese un team di krísis. E team aki tabata konsistí di entre otro MEO, Fundashon pa Konsumidó, VBCA, Curoil i Aqualectra. Den e reunion aki a pone kabesnan huntu pa yega na medidanan pa evitá ku konsumidónan lo sinti e efekto muchu pisá.



Pa e promé parti aki Gobièrnu a yega na e desishon pa personanan ku ta kobra ònderstant i penshun risibí cg 100 èkstra pa luna. Por lo pronto mester sigui desaroyonan pa asina determiná kiko e siguiente stapnan lo bira.

MEETING



5

Fundashon pa Konsumidó tin un Direktor nobo

Ku plaser, Fundashon pa Konsumidó ta presentá su direktor nobo, sr.Richenel Martijn.

Ku e nombramentu aki, nos organisashon ta kuminsá un kapítulo nobo, ku bista kla riba fortifiká protekshon di konsumidó, promové edukashon i informashon, i sigui traha pa defendé e interesnan di tur konsumidó na Kòrsou.

Nos tin konfiansa ku e eksperensia, liderazgo i dedikashon di



sr.Martijn lo kontribuí na desaroyo di Fundashon pa Konsumidó komo un organisashon fuerte, inovador i aksesibel pa komunitat. Nos ta deseá sr.Richenel Martijn hopi éksito ku e reto importante aki. Huntu nos lo sigui traha pa un merkado mas hustu, transparente i sigur pa tur konsumidó

Palabra di e Direktor:

Dia 1 di yüni 2026 mi a kuminsá den e funshon di direktor na Fundashon pa Konsumidó. Ta un gran honor pa mi di por liderá e organisashon aki i huntu ku nos ekipo,



traha pa protehá derechonan di konsumidó pero tambe fortalese i eduká konsumidó na Kòrsou.

Mi ta spera un kolaborashon agradabel i mi ta gradisí bo pa e konfiansa i kompromiso ku bo ta mustra na Fundashon pa Konsumidó.



Atentamente, Richenel Martijn
Direktor
Fundashon pa Konsumidó